



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Missa Parochiali, & Missis alijs infrà limites Parochialis Ecclesiæ
celebrandis, ac diuinis alijs officijs peragendis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

De Missa parochiali, & alijs infrà limites parochialis
Eccl. celebrandis, deque Concione &
Vesperis parochialibus.

S V M M A R I V M.

- 1 Parochi, quot saltem diebus Missam celebrent cuiuslibet bebda
made.
- In eleuatione parochialis Missæ, signum campanæ dandum. De Missis
Conuentual. 12.
- 2 Missa, hora populo magis commoda celebranda.
- 3 Pœna contententis, vt contrà id fiat.
- 4 Missa parochialis hora, & signa.
- 5 Vbi plures Missa in parochia celebrantur, vt distribuendæ.
Tabella ob id conficienda; & à quo; & vbi proponenda. 9.
- 6 Missa in aurora celebrata, alia ante parochialem non celebranda; &
à quo aliquando concedendum, vt celebrari possit.
- 7 Quando neque etiam in aurora celebrari permittatur.
- 8 Hora præscripta celebrationi Missarum, à quo, & quando mutari
possit.
Missam nemini celebrare liceat Dominicis, festisq; alijs diebus, nisi ab-
soluta parochi Concione. De Missis sine cantu. 34.
Nisi parochus antè fieri permittat certa præscripta hora. Ibid. 35.
Eodem etiam concionante, à nemine celebrandum. De prædic. Ver-
bi Dei. 13.
- Punctator quibus in Ecclesijs deputandus causa celebrationis Missarum.
De Missis sine cantu. 23.
- Capellano, vt merces tradenda, detrahenda. Ibid. 25.
- Missarum liber in Sacristia seruandus. Ibid. 22. & à quo recognoscen-
dus. Ibid. 24.
- Clericum parochus quilibet habeat, & qualem; & à quo sustentandus.
De parochijs. 50.
- 10 Populus, vt conueniat ad Missam parochialem, Episcopi, & paro-
chi cura. & de parochijs. 42.
Formula monitionis conueniendi ad parochialem. Ibid. 43.
Quando in Missa parochiali à parochi Concionandum. De prædicat.
Verbi Dei. 4.
Que in Missa parochiali denuncianda, & que in eadem non euulganda.
De parochijs. 45. & de Missis sine cantu. 69.

Quandq

Quando etiam oblatio facienda: & quo ordine. De parochijs. 59. 60. 61.

Missale, Patris instrumentum, per quem tradatur osculandum. De Missis sine cantu. 70.

Missale Romanum in ea adhibendum. Ibid. 67.

Quibus diebus, & quibus in Ecclesijs parochialibus Missa, & hora Canonice cantanda. De Parochijs. 51.

Quibus item adiutoribus. Ibid. 52.

Quando vespera canenda, & quando recitanda. Ibid. 47. Et quibus adiutoribus. Quæ ad ordinis sacr. pert. 98.

Parochus festis diebus à sua ecclesia non absit, vt alibi celebret. De clericorum ad festorum dierum. Sc. 1.

Vbi absurus, quid agat. Ibid. 5.

Supellex, quæ in ecclesia parochiali adesse debet pro Missis parochialibus cum cantu, & sine cantu, diuinisq; officijs celebrandis, vsibusq; alijs sequenti titulo explicatur.



VRATIS verò, vt præterea ter in hebdomada, aut eò etiam sæpius. quò, vel loci consuetudo, vel necessitas crebriorè diuini sacrificij vsum postulabit, Missam celebrare nè omittant, præcipimus.

1. de frequēti di. sacr. obl. fest. 23. c. 14.

2. Neuè, si parochi sint; cuiusquam gratia, metuè Missam anticipent aut differant: sed illam ea potissimum hora celebrent, quæ populo magis accommodata sit. Ne ue concionem, quam in ea habere debent, vllò modo omittant.

1. Quæ pert. ad celeb. Miss. sc.

3. Quod, si fortè quispiam inperio quodam, aut contumelia, aut minis, aut vi contenderit, vt sacerdos quidquam contra, quàm hoc decreto sancitum est, faciat; si clericus sit, & beneficium obineat, eo priuetur; si non habet beneficium, ne habere quidem ad quinquennium possit: si laicus, re ipsa iam tunc excommunicationis pœnam subeat: neque ad decennium feudi, aut emphyteutis nomine quidquam ab Ecclesia consequi possit.

4. Missæ parochialis sacrificium die festo, circiter duabus post solis ortum horis: alijs etiam diebus ea hora, quæ populo vniuerso, pro loci ratione, Episcopi iudicio magis accommodata erit, in omni ecclesia parochiali celebretur, datis semper ante stas campanæ signis, ijsq; horæ dimidiæ interuallo disiunctis, vt in tempore populus conuenire possit.

4. Quæ pert. ad sac. Missæ sac. & diu. off.

5. Si præter parochum, alius etiam sacerdos est, qui in ea Ecclesia Missæ sacrificium facere debet; is omni die in aurora celebret; vt qui iter facere, vel aliud quidquam, ruri præsertim agere necesse habent,

4. Ibidem.

interesse possint; neque propterea omittant.

Si verò plures sunt sacerdotes, qui ibi, aut in eiusdem parochiæ finibus, Missam celebrent, tunc, vt decretum est Prouinciali primo Concilio, vnam in aurora, reliquas deinceps debito intervallo distributas, postremam verò, quò tardius potest, prout populo commodius erit, celebrent ad præscriptam tabellæ à Rectore parochialis ecclesiæ, vel ab alio conficiendæ, cui Episcopus id munus dederit; nisi dies festus sit, quo, excepta illa prima, quæ in aurora celebratur, nullam omninò celebrent ante peractum Missæ parochialis sacrificium, etiam in Ecclesijs, capellis, oratorijs, & secularibus, etiam Scholarum, & Confratriarum, etiam laicalium intra fines vniuscuiusque parochiæ constitutis; nisi parochus, ob causam, certa præscripta hora, ante facere concesserit.

7 Quod si die festo etiam per illud Missæ sacrificium, quod in aurora sit, populus à parochiali Missa auocetur; tunc Episcopus illud, etiam festo die, post Missam parochialem fieri, celebrari iubeat.

8 Episcopi verò facultas, & iudicium sit, id omne, quod ad Missæ celebrandæ horam spectat, pro temporum, locorum, causarumq; ratione aliter statuere, permittere, ac iubere.

9 Proinde tabella, in qua certa omnis illa celebrationum distributio, dies scilicet, hora, & altare, tum sacerdos, qui celebrare debet, apte descripta appareat, in Sacrificii loco conspicuo proponenda, atque alligata sit.

10 Parochi populum frequenter hortentur, vt in sua parochia festis diebus Missam audire nò omittant.

1. Que pert. ad cel. Missæ.

Quæ his desunt, videantur sequenti Tit. de Missis sine cantu, &c.

& De Parochijs, &c.

De supellectile Ecclesiæ parochialis, quæ in Missis cum cantu, & diuinis officijs, & alijs sacris ministerijs adhibetur.

S V M M A R I V M.

- 1 *Supellex parochialis Ecclesiæ, quo item ordine demonstratur.*
- 2 *Apparatus altaris maioris, qui, & qualis: qualitas, seu forma videntur in Tit. De Supell. que Canonici, &c. nu. 2.*
- 3 *Supellex indumentorum parochi ad usum Missæ parochialis sine cantu.*